

辰谿縣志

辰谿縣志

辰谿縣志卷之三十四 藝文下

四言詩

歸我椒溪七章

明歲貢米肇瀨梁若邑人

歸我椒溪返我椒里
抑又何求用匪素鄙
有廬足居有田足飴
風來樹間月入窻几
當此一翁其幽無比

歸我椒溪返我椒里
椒雖湫隘爲夙所徙
可以誦詩可以讀史
睇彼雲山烟霞自儼
心與靜結安忍釋此

歸我椒溪返我椒里既倦於人塵宜早洗何如登
山耳怡鳴鹿何如臨流目交游鯉大妙既同海翁
一體

歸我椒溪返我椒里願以幅巾致謝紈綺入世寸
心於何有底焉知利疆而非虎尾何故塗窮方悔
納履

歸我椒溪返我椒里椒山青青椒水瀰瀰况有素
心樸誠可喜在彼寡文樂我簡禮相與周旋如醪
投醴

歸我椒溪返我椒里因念伐檀致歎生子形脫氣
分已非一已寄力於人安能終倚自食符獵居山
至理

歸我椒溪返我椒里竊意化工與我能幾我種我
豆我樹我李稻熟作羹秬熟釀醴百慮既澄如斯
已矣

羅峰草堂雜咏

七首

明舉米元偶
人邑人

牛羊下來山徑自幽農人歸晚語雜溪流樹間微
露濕我白頭明星東出動我隱憂

東臯豆發厥苗離離奈何淫雨會不逢時衆卉感
陰穢類蕃滋豈無利刃可以芟之水深泥滿力不
能施

土磽鋤銳用力大難烈日暴背汗流漫漫人生四
體豈不求安衣食所出孰能暫寬羽翩公子馳馬
林端挾弓彈雀顧以爲歡

月出林間照我屋壁倚門遠眺青天如滌草露遙
遙山石歷歷秋陰感人中心怵惕呼妻具酒暫罷
紡績蝦蟹盈盤棗栗兼錫對影持杯愛惜涓滴

日中如火土焦氣渾牛熱心急屢策屢蹲放犁不
及望溪而奔我亦暫暇箕踞樹根涼風自北草色
南翻孤雲高飛蕭然遠村

田水日乾溪流日息計畝分灌古有成則枕石席
茅夜眠堤側虎豹羣豪欲畏不得仰觀明星燦爛
一色雨何可期嗟我稼穡

高田薄收憂食不給蒼崑勵荒思補殘粒地卽傾
斜足常側立步隨鋤移不可緩急饑來思歸日猶
未入路狹草深風露早濕

五言古詩

黔還至辰溪懷蔡敬夫監司既見贈詩二首

明提學
僉事鍾惺伯敬
京陵

去子不百里我懷彌鬱紆川陸莫適從顛倒問舟
車五載別何易一日苦難需不知此五載爲心當
何如行役過子部心跡多所拘此時不悵然明知
有歸途歸途未卽見離緒劇於初萬慮閔乃生情
事方崎嶇

去冬予家食寄我早梅篇今來屬殘秋乃在梅花

前沅江多芙蓉遲暮非其年芙蓉不肯後梅花不
肯先今予欲贈我何枝可折焉每得君所寄思理
如雲泉及茲獲言笑意滿俱默然吾寧默相對不
願寄雲箋

寄椒溪三弟大程

明貴州米肇頤
安順道邑人

目極層山秋處處白雲流故園居其下望之何悠
悠不覩椒嶺木不聞椒水浮曙光照峰北雨來滲
巖邱鳥啼林中巔牛歸田上溝心神孤且潔烟霞
貞而幽秦人鷄犬仙安能同蒐求事盡地可去時

過心不留暮年感寥寂磻溪餘石頭

九巖

米肇灝

九巖石氣奇巖森如戟列幽蘭夾道生蒼松長霜
節時有青雲來下卽幽人穴幽人棲將老杳無車
馬轍文章亦有聲奔競素不屑自謂愛棲遲未肯
忘真拙下山釣溪磻上山吟松垓吟罷獨彈琴清
音汎明月

過小橫山

米元侔

蒼然如此山從空立標格土門行已危巖徑去還

窄日高物色齊天近雲光迫絡古無春來千年樹
一尺孤雲獨何心白露淡將夕於此開心胸浩歌
情自適

羅子山大雨有感

山上星辰明地中雷雨出渾渾大古氣迴薄森宰
嶽雜泉一時鳴高天四面失松徑生荒涼危客轉
愁疾衣濕火不紅畏寒久怵惕近傳寇賊來長驅
入家室戰守策兩廢我兵散倉卒

聖人當運興

廟謨自沉實安使鼠狗徒白晝逞咤叱念此誠紆鬱黑
雲何冥密

遊丁公砦

思遊常倍勇辭侶因獨去徘徊忘遠近隨至生奇
趣怪哉丁公峯崢嶸當其處黑雲脚半垂白石門
雙豎虛草動無心暗泉流有故喧寂界自分聞見
理若素天風西北來吹散山底霧水樹兩盈盈澹
然洗孤慮此時我如何久立無所遇深恐前期窮
細尋懸石路

早上了髻山兼歷路中諸峯

明教米元侗
邑同人

朝行獨清靜坦步適其真我來無所懷衆峯殊可
親處明生奇光向晦終不淪廻顧幽木出隱然各
就晨霜露綠徑濶轉折意慮新石泉傍足流鳴聲
何彬彬樵蘇既隔絕山氣日夕淳林曉羣物發喧
動難再泯苦遭聞見雜遂使心不馴

五月初十晚霽初見羅子山頂作

平村羣就瞑餘日照我牆素月霧中起忽見山頂
光濛濛萬古開星辰列其旁紛象同時出精英咸

青黃氣動竟在天流雲與之當相飛何迅速繚遶
西南方孤立萬慮息仰首不能忘

辰陽道中雜感

國朝程封伯建
知縣夏

我馬歇辰陽遙望沅州路入蠻烟瘴間微茫匿雲
樹憶昔馬伏波邁年此征戍功業在垂成竟爲讒
夫誤

潭蘿山前洞

順治
恩貢余子錦陶石
邑人

潭蘿四面重空處莫非洞虛牖挂雲氣靈怪如鬼
弄起踏前洞來遊興自此動坦步入石門曲水折

還送如欲濺客履既去復來控中有好奇人小攜
室一棟胡安室中室求醒夢中夢夜月隔清輝晨
鳥聞高嘒默坐定人心永與鴻濛共偶來避塵囂
獨行謝儔衆乳泉响高低石筋兼橫縱上者懸欲
落下者升似供清心正可掬何心期滿甕攜歸試
芥茗莫混茶經用活火靜烹調茶香水香重

遊龜山鐘鼓洞

康熙進士劉恂讓子邑人

龜山削萬丈九峯乃其尾蜿蜒勢如奔肯卒忽而
止聳首挂天關踞坐看城市神物巧磨礪空虛挂

丹紫地靈仰俯變石腹參錯似跼步巖洞前流杯
澄潭汎澄秋無俗鱗懸巖類亂藥其音合天籟其
味則石髓亭午搖壁影長江清泚泚傳聞大小酉
與此爲鄰里得其門而入桃源在咫尺

邑前龍首石

熊山散萬家餘勢不得住化爲龍矯首怒欲過江
去湧地百丈高尖銳僅人數兩樹巔崖上無土枝
葉布高標受長風盛夏最爲趣又宜明月夕席地
坐親故此時玉琴開江水白如瀘前山朝暝陰絕

壑荔鬱霧羣石羅左右水族百怪具奔逐隨其王
萬狀同一顧乍來體已經久立心將悟緬想馮虛
人縹渺吟然御

初晴觀漲

日白南風吹底幾晴不誤散衣信我足遂至城西
處初光响宿雨羣山如淡霧俯視江流太平吞高
崖樹濁浪排槎枒盤渦擊回互縹渺望遠舟須臾
近城圍微聞歌笑聲未瞬已失顧空行洵足樂履
險亦神懼來朝水漸緩可以觀鷗鷺